



Broj: 06-14-26119-1/17
Datum: 23.08.2017. godine

Na osnovu čl. 64. stav 1. tačka b), 70. st. 1, 3. i 6. Zakona o javnim nabavkama („Službeni glasnik BiH“, broj 39/14), članova 2. 5. i 6. Pravilnika o direktnom sporazumu Agencije za javne nabavke („Službeni glasnik BiH“, broj 90/14), članova 2., 6. i 7. Pravilnika o direktnom sporazumu Ministarstva za boračka pitanja Kantona Sarajevo broj: 06-02-31279/14 od 29.12.2014. godine i ponude ponuđača BZ Bihart Sarajevo, u postupku javne nabavke prigodnih poklona – drvenih satova sa odgovarajućim motivom za goste manifestacije obilježavanja 25. godišnjice 1. Korpusa ARBiH putem direktnog sporazuma, Ministar za boračka pitanja Kantona Sarajevo donosi,

O D L U K U

o izboru ponuđača za nabavku prigodnih poklona – drvenih satova sa odgovarajućim motivom za goste manifestacije obilježavanja 25. godišnjice 1. Korpusa ARBiH - putem direktnog sporazuma

Član 1.

Prihvata se ponuda ponuđača Boračke zadruge BIHART po Iliđza broj 02-007/17 od 21.08.2017. godine za izradu 400 drvenih satova po narudžbi povodom održavanja manifestacije obilježavanja 25. godišnjice 1. Korpusa ARBiH, za ponudenu ukupnu cijenu od 5.200,00 KM (BZ Bihart nije u sistemu PDV-a).

Član 2.

Sa ponuđačem BZ Bihart će se sklopiti ugovor o izradi drvenih satova povodom održavanja manifestacije obilježavanja 25. godišnjice 1. Korpusa ARBiH.

Član 3.

Za izvršenje ove Odluke zadužuju se Sektor za ekonomske poslove i projekte, Sektor za BiZ i sekretar Ministarstva za boračka pitanja koji koordinira aktivnostima oko obilježavanja.

Član 4.

Ova Odluka objavit će se na web-stranici Ministarstva [www.mbp.ks.gov.ba](http://mbp.ks.gov.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Član 5.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine.





O b r a z l o ž e n j e

Ministarstvo za boračka pitanja Kantona Sarajevo u sklopu svojih redovnih godišnjih projekata provodi i aktivnosti obilježavanja svih značajnih datuma, među koje spada i obilježavanje godišnjice 1. Korpusa Armije RBiH, pri čemu se ove godine obilježava jubilarna 25. godišnjica. Zbog bajramskih praznika manifestacija će biti održana 30.08.2017. godine u amfiteatru ŠSM Kovači.

S tim u vezi, Planom javnih nabavki za 2017. godinu broj 06-14-1886-1/17 od 24.01.2017. godine planirana su sredstva za nabavka darova i priznanja koje će se realizirati u skladu sa Zakonom o javnim nabavkama BiH („Službeni glasnik BiH“, broj 39/14) putem direktnog sporazuma.

Planirana procijenjena vrijednost ukupnih nabavki - nabavka darova i priznanja za 2017. godinu je 6.000,00 KM.

Postupak javne nabavke prigodnih poklona – drvenih satova sa odgovarajućim motivom za goste manifestacije obilježavanja 25. godišnjice 1. Korpusa ARBiH pokrenut je Odlukom o pokretanju postupka javne nabavke broj: 06-14-26119/17 od 21.08.2017. godine.

Procijenjena vrijednost tražene usluge bez PDV-a je iznosila 5200,00 KM.

Po upućenom usmenom zahtjevu, ponuđač Boračka zadruga Bihart PO Ilidža je dostavila ponudu broj 02-006/17 od 21.08.2017. godine za izradu 400 drvenih satova po narudžbi na iznos od 5.200,00 KM uz napomenu da ponuđač nije i sistemom PDV-a.

Ocijenjeno je da je ponuda prihvatljiva, te je donesena ova odluka o prihvatanju.

Javna nabavka je provedena putem direktnog sporazuma u skladu sa zakonom, podzakonskim i drugim aktima.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 6. i 7. Pravilnika o direktnom sporazumu Ministarstva za boračka pitanja Kantona Sarajevo broj 06-02-31279/14 od 29.12.2014. godine, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo kao ugovornom organu pismeno u 3 (tri) primjerka.



Dostaviti:

- Boračka zadruga Bihart Ilidža, Mustafe Ice Voljevice br. 5, 712 00 Ilidža
- a/a



web: <http://mbp.ks.gov.ba>

e-mail: minbopi@ks.gov.ba

Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

